

Powšitkowne WOZJEWJENJA

njedźelu, 27. oktobra 2019

Přiležnosć k swjatej spowědži w Róžeńće

póndźelu, 28. oktobra farar M. Anders, farar G. Warnar,
17.00 – 18.00 hodź. farar dr. D. Dzikiewicz, farar J. Magiera

wutoru, 29. oktobra farar M. Anders, farar dr. D. Dzikiewicz,
18.30 – 19.30 hodź. farar dr. M. Kleiner, farar dr. S. Foelz

Eksercicije za Serbow – „Što nas wozboža?“

Za serbske eksercicije wot pjatka, 8. nowembra, wječora hač do njedźele, 10. nowembra, měli so pak w Exerzitenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10, pak w Chróścicach na farje, telefonowe čisło (03 57 96) 80 40 22, přizjewić. Hesło dnjow rěka „Što nas wozboža?“.

Spominanje na prelata Štranca w Lipsku

Towarstwo Cyrila a Metoda z.t. přeprašuje wšitkich, so na wopominanju před 150 lěty w Žuricach rodzeneho prelata Jakuba Štranca póndźelu, 28. oktobra, w Lipsku wobdźělić. W 15.30 hodź. zahaji so wone při jeho rowje na kěrchowje w Lipsku Connewitzu, Meusdorfska 80. W 16.15 hodź. přizamknje so nyšpor z kapłanom Florianom Mrózom w kapalce Chorownje swjateje Hilžbjety na Biedermannowej 84 w samsnym měščanskim džělu, wo kotrejež twar bě so prelat Štranc bjez podpěry biskopstwa postarał. Po krótkim přednošku wo jeho wobšěrnym skutkowanju w Lipsku porěči jednaćel chorownje hrabja Albrecht Adelman, něhdyši jednaćel Kamjenskeje chorownje.

Puće cyrkwjow po přewróće

Swjećacy biskop Václav Malý z Prahi a emeritowany biskop Joachim Reinelt Drježdžansko-Mišnjanskeje diecezy rozprawjetaj wutoru, 29. oktobra, na forumje pod temu „Z nimi čłowjek, za nje křesćan*ka?“ wo pučach cyrkwjow we wuchodnej Němskej a Českej po politiskim přewróće. Mjez druhim póndže wo prašenje, što je ze spočatneje nadžije wurostlo, zo cyrkwe nowu towaršnosć sobu tworja. Rozmołwa započnje so w 19 hodź. w Domje katedrale na Hrodowej w Drježdžanach (zachod Kenclijowa haska).

Prěnjowoprawjenske džěci přeprašene

Dekanatne dušepastyrstwo přeprašuje wšitke džěci, kotrež so na přenje swjate woprawjenje přihotuja, na zhromadny dzeń pod heslom „Cool kadla – fecich holca“ srjedu, 20. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do wutory, 5. nowembra, pod telefonowym čislom (03 57 96) 8 87 07 abo z mailku worklec-y-kise@gmx.de we Worklecach přizjewja. Za wudawki dnja zběra so wot kóždého wobdźělnika přinošk we wysokosci štyrjoch eurow.

Dalekublanje řečnikow nabožneho słowa

Na Chróšćanskej farje přewjedže so sobotu, 9. nowembra, wot 9 do 12 hodź. dalekublanje za wšěch, kotřiž nabožne słowo k dnjej w Serbskim rozhłosu rěča. Wone wob-sahuje rěčne zwučowanja z logopedowku, zwučowanja z mikrofonom kaž tež džěło z tekstami, při čimž póndže wo spisanje, jadriwosć, žórła a dalše.

Film „Das größte Geschenk“

W dokumentarnym filmje „Das größte Geschenk“ z lěta 2018 zaběra so španiski režiser Juan Manuel Cotelo z temu, kotraž wšitkich potrjechi – wodawanje. Maćerje, nanojo, wudowy, syroty, masowy mordar a jeći na jimace wašnje rozprawjeja, kak móžeš wodać. Režiser Cotelo zetka so z woporami kaž skućicelimi. Słuchaše na wobě stronje a smědžeše filmować, hdyž so wobě stronje zetkaštej a sej wujednawacu ruku podaštej. Film „Das größte Geschenk“ pokazaja na reformaciskim dnju štwórtk, 31. oktobra, w 17.30 hodź. w Drježdžanskim kulojnym kinje Cineplex.

Seminar wo złu w bibliji

Smochčanski Dom biskopa Bena přeprašuje na seminar pod hesłom „Biblija a ... zło“. Tón wotměje so wot pjatka do njedźele, 8 do 10. nowembra. Hłownje póndže pod nawodom referenta Ansgara Hoffmanna wo to, što so w Swjatym pismje wo djabole, Luciferu a satanje pisa a zwotkel Boži přećiwnicy pochadžeja. Předznajomosće njesu trěbne. Zajimcy měli so hač do póndźele, 28. oktobra, pak pod telefonowym čisłom (03 59 35) 2 23 17 abo na mailowu adresu referent@benno-haus.de přizjewić.

„Serbski rekwiem“ w Ketlicach

Za předstajenje „Serbskeho rekwiea“ Korle Awgusta Kocora njedźelu, 10. nowembra, w 16 hodź. w Ketlicach móža sej zajimcy hižo zastupne lisćiki kupić. Tute předawaja na tamnišej kaž tež na Lubijskej ewangelskej farje, w Lubijskej měšćanskej informaciji a w tamnišim wobchodže Keßner. Korla Awgust Kocor (1922–1904) je w Ketlicach jako wučer a organist skutkował a tam tež zemřel.

Mandźelski seminar

Přizjewjenja za přihot na sakrament mandźelstwa wot pjatka do soboty, 29. nowembra do 30. nowembra, přijimuju so pisomnje hač do srjedy, 6. nowembra, w Dekanatnym dušepastyrstwje we Worklecach. Formularj k tomu su w cyrkwjach wupožžene.

Dalši serbski žarowanski kruh

Žarowanskaj přewodźerjej Regina Krawcowa ze Smječkec a Tomaš Pěčka ze Ser-njan poskićataj zhromadnje z dr. Ludmilu Lajderowej z Drježdžan po loňšim za-zběhu dalši serbski žarowanski kruh. Přenje zetkanje budže štwórtk, 7. nowembra, w 17.00 hodź. w Chróšćanskej putniskej hospodže. Dalše termíny su stajnje tři njedźele pozdžišo. Předwidžane je, zo so tutón kruh hač do spočatka apryla wosom króć zetka. Zajimcy měli so pod telefonowym čisłom (01 74) 7 01 94 87 přizjewić.